

2016-imi isertitat 4,8 pct.-imik qaffassimapput

2016-imi innuttaasut 14-it sinnerlugu ukiullit agguaqatigiissillugu tamakkiisumik 240.000 kr.-inik isertitaqarsimapput. 2015-imut naleqqiullugu 11.000 kr.-inik amerlanerupput, tassa 4,8 pct.-inik qaffariarnerluni, 2015-imi isertitat annertusinerat 2016-imi ingerlaqqiinnarpoq.

Immikkoortortaqarfimmi Ilulissani (siusinnerusukkut kommuniusimasumi) isertitat qaffannerpaasimapput, tassani agguaqatigiissillugu isertitat 10,9 pct.-imik qaffassimapput. Qaasiuitsup Kommuniani immikkoortortaqarfinni allani aamma isertitat qaffangaatiarsimapput, agguaqatigiissillugu isertitat taakkunani 8 pct.-i sinnerlugu qaffassimapput. 2016-imi immikkoortortaqarfimmi Nuummi agguaqatigiissillugu tamakkiisumik isertitat 312.000 kr.-iullutik qaffasinnerpaajusimapput, siusinnerusukkut immikkoortortaqarfimmi Nuummi isertitat aamma qaffasinnerusarsimapput.

Immikkoortortaqarfinni pingasuni agguaqatigiissillugu isertitat ikililaarsimapput. Immikkoortortaqarfimmi Qaanaami isertitakinnerpaaffioreersumi agguaqatigiissillugu appariarfiunerpaaffiuvoq, tassani isertitat agguaqatigiissillugu 1,4 pct.-imik apparsimapput. 2016-imi immikkoortortaqarfimmi Qaanaami agguaqatigiissillugu tamakkiisumik isertitat 137.000 kr.-iusimapput.


Tabel 1. 2014-imiit 2016-imut immikkoortortaqaqfinni agguaqatigiissillugu tamakkiisumik isertitat

	2014	2015	2016	Allannguut 2015-2016
	1.000 kr.			Pct.
Nuna tamakkerlugu	218	229	240	4,8
Nanortalik	145	152	160	5,4
Qaqortoq	194	209	216	3,2
Narsaq	175	182	182	-0,3
Paamiut	171	176	177	0,5
Nuuk	290	305	312	2,4
Maniitsoq	189	205	220	7,7
Sisimiut	228	238	250	5,1
Kangaatsiaq	140	141	153	8,3
Aasiaat	176	182	193	5,9
Qasigiannguut	181	187	202	8,5
Ilulissat	210	214	238	10,9
Qeqertarsuaq	186	196	206	5,0
Uummannaq	184	197	214	8,4
Upernavik	158	159	173	8,8
Qaanaaq	137	139	137	-1,4
Tasiilaq	152	155	162	5,0
Ittoqqortoormiit	168	182	180	-0,8

Najoqqutaq: Kisitsisaataasivik. <http://bank.stat.gl/INNP2>

Piffissami pineqartumi akit qaffarujussuarsimangillat, taamaasilluni isertitat pisissutaasinnaasut 2015-imiit 2016-imut qaffassimapput. Innuttaasut isertitaat pisissutaasinnaasut qaffangaatiarsimanagerat Titartakkami 1-imi takuneqarsinnaavoq, Naatsorsueqqissaartarfiup kisitsisaatigisaani isertitat pisissutaasinnaasut aatsaat taamak qaffasitsigipput.

Titartagaq 1. Isertitat pisissutaasinnaasut naleqqersuutaasa ineriartornerat 2002-2016



Naatsorsueqqissaartarfiup saqqummerseqqammisaani **2016-imi isertitat** –mi innuttaasut isertitaat annertunerusumik misissuataarneqarsinnaapput. Saqqummersitaq inuit isertitaannik, inoqutigiit akileraarutaannik aammalu

inoqutigiit isertitai tunngavigalugit agguanneqarnerinik naatsorsuutininik imaqarpoq. Kisitsisitigut paasissutissat nammineerluni nalunaarsuiffinniit kisitsisit atorlugit suliaavoq, isertat nalunaarutigineqarsimasut tamarmik atorneqarput – sulinermi aningaasarsiat taamaallaat tunngavigineqanngillat. Taamaattumik kisitsisitigut paasissutissat sulinermi aningaasarsianut paasissutissanut paarlaanneqarsinnaanngillat.

Naatsorsueqqissaartarfiup nittartagaani www.stat.gl-imi saqqummersitaq atuarneqarsinnaallunilu pdf-inngorlugu aaneqarsinnaavoq. Periarfissaavortaaq Naatsorsueqqissaartarfiup Kisitsisaataasiviani bank.stat.gl-imi isertitat kisitsisitigut paasissutissaanni tabelinik nammineq toqqartukkanik annertunerusunik aallertoqarsinnaanera.

Annertunerusunik paasisaqarnerorusuttunut Naatsorsueqqissaartarfiup ittua Anders Blaaberg oqarasuaat 34 57 81 innersuussutigineqarpoq

.